

www.BibleForChildren.org

Matthew 8



Buri 'ana ro asoa ki sui, ta'i ara ara'inga ka fuli ana ta'i ma'e fanoa ne'e satana 'i Kena 'i saena aba'i kula 'i Galili. Ma te'a sa Jesus ka tua logo 'i ne'eri ana kaida'i ne'eri. Ma kira ka laefia logo ma'i sa Jesus fa'inia na fafarongo nia ki 'uana na ara ara'inga ne'eri.



Ma kaidali ne'e ngwae ki kira kwa'u, ma na waen kira ka sui, te'a sa Jesus ka fata 'uri fuana, "Noa'a kira kasi to'o na'a ana ta waen." Ma te'a sa Jesus ka fata 'uri fuana na ngwae rao ki, "Muke sasi sulia ta ru ne'e nia ke saea fuaumulu."



Ma sa Jesus ka fata 'uri fuana na ngwae
rao ki, “Kamu ka ongia na fa'i kufikufi ru
ne'e ki 'ani na kafo.” Ma kira ka ongi'i
leleka ka fungu. Sui nia ka fata 'uri fuada,
“Kamu ke ongia na kafo, ma kamu ka
kwatea fauna a ngwae 'a'ana
ana na fanga'a.”



Ma kira ka kwatea fuana, ma nia ka kwa'u to'ona na
kafo ne'eri, ne'e ka alu na'a na waen. Ma noa'a nia kasi
saiana na waen ne'e nia
leka ma'i fa'asia 'i fa'i.
Bore ma na ngwae rao
ne'e kira ongia ma'i na
kafo ne'eri go'o ne'e kira
saiana ta'ifau.



'Una'eri na ngwae 'a'ana ne'e ka ri ma'li 'uana na ara'li faolu ne'eri, ma ka fata 'uri fuana, "Na ngwae ki ta'ifau kira kwatea na waen le'a 'i na'o, ma 'i buri 'ana na ngwae ki kira kwa'u ka sui na'a, nia ka fi'i kwatea na'a waen ne'e dalakwai. Ma 'oko gonia na waen le'a liu leleka ka dao na'a ana kaida'i ne'e!"



Nia na'a ne'e etana ru fa'anada'a ne'e sa Jesus nia sasi
'i Galili, 'i saena na fanoa 'i Kena.

Ne'eri nia ka fa'ata'inia na'a
na 'inoto'anga nia, ma na
fafarongo nia ki kira ka
fa'amamana ana.



Ma ana ta'i asoa, sa Jesus ka leka ma'i
'i luma sa Peter. Kaida'i sa Jesus ru'u 'i
luma, nia ka lisia funga kini sa Peter
nia teo go'o 'ana, ne'e nia mata'i ana
'ako'ako'a doe.



Ma sa Jesus ka sama to'ona limana na kini ne'e.
Ma ana kaida'i ne'eri go'o, na 'ako'ako'anga ne'e ka
sui na'a fa'asia. Nia ka 'akwa na'a, ma ka tata'e ka
sasi fanga na'a 'ana fuana sa Jesus.




Ma ana fa'i sa'ulafi ne'eri, kaida'i sina nia suu, ma ana asoa Jiu ki fuana mamalo'anga nia sui na'a, na ngwae ki ka ngalia ma'i ngwae mata'i ki, ma to'a ano 'i ru ta'a ru'ufida ki logo siana sa Jesus. Ma to'a ana fanoa ne'eri kira ka fiku ta'ifau ma'i 'i maana luma ne'eri.



Ma sa Jesus ka gura na'a ngwae 'oro ki ne'e kira mata'i ana na mata'inga 'oro to'oto'o ki. Ma nia ka ifulanga'inia logo na ano 'i ru ta'a 'oro ki. Ma nia kasi ala'ania ne'e ano 'i ru ta'a ne'eri ki kike fata, sulia kira sai sui go'o ana ne'e nia'a Ngela God.



Na ngwae ki ta'ifau kira iliili 'uana sama'a to'ona sa Jesus, osi'ana na ngasingasi'anga nia leka kwau fa'asia fuana guralana na ngwae ki ta'ifau.



Ma ana kaida'i ne'eri logo, na fai ngwae ki kira leka ma'i, kira ka ngalia ma'i ta'i ngwae ne'e nonina mae.



Ma osi'ana ne'e fiku'a doe ne'eri,
nia ka 'afita'i na'a fuada ngalilana
kwau siana sa Jesus.

'Una'eri go'o, kira ka ra'e
'li fafona luma fa'inia na
ngwae ne'eri.




Ma kira ka tafangia ta'li ma'ekwakwa
doe 'i fafona luma bolo fa'inia kula ne'e
sa Jesus nia tua ana, ma kira
ka fa'akosoa na ngwae
ne'eri 'i fafona 'ifita'i nia
siana sa Jesus.



Ma kaida'i sa Jesus nia lia saiana fa'amamana'anga
kira, nia ka fata 'uri fuana na
ngwae nonina mae ne'eri,
“Alako 'ae, nau ku
rufuanata na'a ana
na ta'anga'a 'oe ki
fa'asi'o.” “Nau ku
saea fuamu, 'oke
tata'e, ngalia na'a
'ifita'i 'oe, ma 'oko
leka na'a 'i luma 'oe.”



Ma sa Jesus ka ta'e saena gwa'i baru fa'inia fafarongo
nia ki. Ma ana kaida'i kira 'idu tau
na'a kwau, ma'e kauburu ka dao
'ali'ali ma'i, ma na asi ka
lualua'a, ma ka magara
na'a ma'i fafia na gwa'i
baru ne'eri.



Ma na gwa'li baru ne'eri ka karangi kuru na'a.
Bore ma sa Jesus nia ka maliu
go'o 'ana saena
gwa'li baru ne'eri.



Ana kaida'i ne'eri sa Jesus ka fata 'uri fuada, “Fa'uta ne'e kamu ka ma'u? Nau ku lisia na fa'amamana 'anga kamu aku noa'a 'iri doe.” Sa Jesus ka fata 'una'eri fuada talifau ka sui, nia ka tata'e, ma ka fata ngasingasi'a fuana iru ma na nafo, fasi 'iri kira ka tua aroaro. Ma ana kaida'i ne'eri go'o, na iru ma na nafo ki kera ka tua aroaro na'a, ma ka fola'a na'a. Ma na

fafarongo nia ki kira ka 'arefo liu, ma kika fata 'uri, “Ngwae fa'uta na'a nini'a re? Na iru ma na nafo ki bore kira ro'o na'a sulia!”



God fa'ata'inia na alafe'anga doe nia
fuana na ngwae ki ta'ifau saena magalia
ne'e 'uri, nia ka kwatea ma'i ta'i Ngela
muta'i nia, fasi 'iri sa tai ne'e
kira fa'amamana ana nia'a,
noa'a kira kasi funu, bore
ma kira ke ba'a
mauri firi.



Romans 3:23

Ngwae ki ta'ifau go'o kira abula ta'a, ma noa'a ta ngwae 'iri tua 'ani falafala ne'e ke fa'adufa God.

Romans 6:23

Sulia na abula ta'anga'a nia kwatea mae'a, bore ma na kwate'a ne'e God kwate sakongali ana nia na'a ne'e mauri'a firi sulia sa Jesus Christ na Aofia kia.

Hebrews 9:27

Aia, ma na ngwae saena magalia ne'e ki, kira mae ana ta'i fa'i kaida'i go'o, sui mala God ke ba'a matalanga'inida.



Ephesians 2:8,9

God fa'amauri kia 'ani na alafe'anga nia sulia na fa'amamana'anga kia. Nia noa'a kasi fa'amauri kia go'o osi'ana rao'a kia ki talaka. Bore ma God kwate 'o'o go'o ana na mauri'a faolu fuaka. Nia ne'e, 'afita'i ta ngwae ka fata naunau sulia na mauri'a faolu nia, sulia God noa'a kasi kwatea sulia ta rao'a ne'e kulu sasi'i ki.

Romans 10:9,10

Di'ia kamu saea sa Jesus 'ani na Aofia, ma muke fa'amamana ne'e God ta'ea fa'asia na mae'a, God ke ba'a fa'amauri kamu. Na ngwae ne'e nia fa'amamana ana sa Jesus saena maurilana nia 'olo'olo 'i maana God. Ma na ngwae ne'e nia fata tafa 'ania sa Jesus nia Aofia, God ke ba'a fa'amauria



John 3:16,17

God fa'ata'inia na alafe'anga doe nia fuana na ngwae ki talifau saena magalia ne'e 'uri, nia ka kwatea ma'i tali Ngela mutali nia, fasi 'iri sa tai ne'e kira fa'amamana ana nia'a, noa'a kira kasi funu, bore ma kira ke ba'a mauri firi. God noa'a kasi kwatea ma'i na Ngela nia saena magalia fuana na matalanga'ilana na ngwae ki, bore ma nia ka kwatea lala ma'i fuana fa'amaurilada.

1 John 5:11-13

Ma ala'anga ne'e God ka fa'amamana sulia na Ngela nia ne'e 'uri: God kwatea na'a na mauri'a firi fuaka, ma na mauri'a ne'e ka 'ita ma'i fa'asia na Ngela nia.

Ma sa tai bore 'ana ne'e tua fiku fa'inia na Ngela God, nia to'o ana na mauri'a firi. Ma sa tai ne'e noa'a kasi tua fiku fa'inia na Ngela God, nia noa'a kasi to'o logo ana na mauri'a firi. Nau ku keresia na ru ne'e fuamu'a ngwae ne'e fa'amamana ana na Ngela God, fasi 'iri muke saiana ne'e kaumulu to'o na'a ana na mauri'a firi.



Matthew 8-9; Mark 1-2, 4; Luke 4, 8; John 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Kwara'ae Bible (kwf) © 2003, Wycliffe Bible Translators, Inc.
All rights reserved.

<https://www.bible.com/en-GB/bible/1904/GEN.1.KWF>

©2026 Bible for Children, Inc.

www.M1914.org

www.bibleforchildren.org

